

ԴԱՍԸՆԹԱՑ 6

ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐԻ ՊԱՏՐԱՍՏՈՒՄ

Քննության հարցեր

Դեկտեմբեր 2021թ

Յարց 1.

ա/ Դուք հանդիսանում եք «Կարմիր գլխարկ» ՓԲԸ (Կազմակերպություն) քաղցրավենիքի խանութների ցանցի նոր հաշվապահը և առաջին հաշվետու եռամսյակի շրջանառության տեղեկագրի (փորձնական հաշվեկշռի) նախնական տարբերակը՝ 2020թ. հունիսի 30-ի դրությամբ, ներկայացվել է Ձեզ և ունի հետևյալ տեսքը.

Շրջանառության տեղեկագիր (փորձնական հաշվեկշիռ) 2020թ. հունիսի 30-ի դրությամբ	Դտ	Կտ
	Յազար ՅՅ դրամ	Յազար ՅՅ դրամ
Օգտագործման իրավունքի ձևով ակտիվ՝ կապված վարձակալված խանութների հետ	35,200	
Տնտեսական գույք	10,000	
Պաշարների սկզբնական մնացորդ՝ միայն քաղցրավենիք	2,600	
Բաժնետիրական կապիտալ		28,000
Տրանսպորտային ծախսումներ՝ քաղցրավենիքի ներմուծման և պահեստ տեղափոխման համար	2,200	
Դեբիտորական պարտքեր	4,500	
Կասկածելի դեբիտորական պարտքերի պահուստ		320
Դրամական միջոցներ և դրանց համարժեքներ	290	
Կրեդիտորական պարտքեր		5,000
Վաճառքից հասույթ		117,000
Տարվա ձեռքբերված ապրանքներ (քաղցրավենիք)՝ ձեռքբերման գնով	76,700	
Կարճաժամկետ վարձակալության գծով ծախս	3,400	
Մեքենաներ և սարքավորումներ	4,800	
Այլ վարչական ծախսեր	13,900	
Բոլոր հիմնական միջոցների կուտակված մաշվածություն		3,000
Այլ եկամուտ		270
Ընդամենը	153,590	153,590

Ի լրումն, առկա է հետևյալ տեղեկատվությունը՝

- Կազմակերպությունը հաշվետու ամսաթվի դրությամբ ունի վարձակալության համար կատարված կանխավճար, որոնք ներառված են կարճաժամկետ վարձակալության գծով ծախսերում՝ 200 հազար դրամ:
- Կազմակերպության քաղցրավենիքի վերջնական մնացորդը՝ համաձայն գույքագրման տվյալների՝ 2020թ. հունիսի 30-ի դրությամբ կազմում է 1,900 հազար դրամ:
- Նոր փաստերի հայտ գալու հետ կապված՝ Կազմակերպության ղեկավարության գնահատմամբ, կասկածելի դեբիտորական պարտքերի պահուստը՝ 2020թ. հունիսի 30-ի դրությամբ, պետք է կազմի 200 հազար դրամ:
- Ձեզ զարմացնում է այն փաստը, որ Կազմակերպության փորձնական հաշվեկշռում առկա չեն քաղցրավենիքի մնացորդից բացի այլ պաշարներ (հիմնականում գրասենյակային պարագաներ) և Կազմակերպության ղեկավարությունը Ձեզ տեղեկացնում է, որ նախորդ հաշվապահը դրանք ներառում է «Տնտեսական գույք» տողում: Համաձայն Ձեր գնահատումների՝ «Տնտեսական գույք» տողում ներառված պաշարներն ունեն հետևյալ մնացորդները, որոնք ներառված չեն փորձնական հաշվեկշռի Պաշարների մնացորդներում
 - Սկզբնական մնացորդ՝ 1,100 հազար դրամ
 - Վերջնական մնացորդ՝ 1,400 հազար դրամ
- Կազմակերպության «Մեքենաներ և սարքավորումներ» դասում առկա բոլոր մեքենաները վերագնահատվել են, սակայն նախորդ հաշվապահի կարծիքով դրանք չպետք է արտացոլվեն ֆինանսական հաշվետվություններում, քանի որ վերագնահատման արդյունքում առաջացող տարբերություններն էական չեն: Տեղեկանում ենք, որ Կազմակերպության ՖՀՄՍ-ների համաձայն պատրաստված հաշվապահական հաշվառման քաղաքականության համաձայն «Մեքենաներ և սարքավորումներ» դասի նկատմամբ կիրառվում է վերագնահատման քաղաքականությունը: Համաձայն անկախ գնահատողի հաշվետվության՝ հաշվետու ամսաթվի վերջի դրությամբ Կազմակերպության «Մեքենաներ և սարքավորումներ» դասի վերագնահատված արժեքը կազմում է 5,500 հազար դրամ:
- Կազմակերպության նախորդ տարվա (2019թ.-ի տարեկան) շահութահարկի գծով ծախսը կազմել է 8,400 հազար դրամ: Կազմակերպության գործունեությունը չունի արտահայտված սեզոնայնություն և ծախսերն ու եկամուտները մոտավորապես հավասարապես են բաշխվում ամբողջ տարվա ընթացքում: Տեղեկանում եք նաև, որ Կազմակերպությունը շահութահարկի գծով չունի որևէ կատարված կանխավճար:
- Կազմակերպության ֆինանսական տարին ավարտվում է մարտի 31-ին:

Պահանջվում է՝

1. Պատրաստել Կազմակերպության ֆինանսական վիճակի մասին հաշվետվությունը՝ 2020թ. հունիսի 30-ի դրությամբ (հաշվարկների նպատակով չբաշխված շահույթի սկզբնական մնացորդը դիտարկել որպես հավասար գրոյի): **(10 միավոր)**

2. Պատրաստել Կազմակերպության շահույթի կամ վնասի և այլ համապարփակ ֆինանսական արդյունքի մասին հաշվետվությունը՝ 2020թ. հունիսի 30-ին ավարտվող եռամսյակի համար:

(10 միավոր)

3. Պատրաստել անհրաժեշտ ծանոթագրությունները, որոնք պետք է կցվեն Կազմակերպության վերը թվարկված ֆինանսական հաշվետվություններին: Հիմնական միջոցների ծանոթագրությունը հարկավոր չէ ներկայացնել ըստ դասերի: **(5 միավոր)**

Յարց 2

Դուք հանդիսանում եք «Մաքուր պուրակ» ՍՊԸ (Կազմակերպություն) հաշվապահը: Կազմակերպությունը զբաղվում է հանքային ջրերի արտադրությամբ: Կազմակերպության հաշվետու ամսաթիվը դեկտեմբերի 31-ն է: Ձեր տրամադրության տակ առկա է 2019թ.-ի դեկտեմբերի 31-ի և 2020թ. դեկտեմբերի 31-ի դրությամբ ֆինանսական վիճակի մասին հաշվետվությունները, ինչպես նաև 2020թ. դեկտեմբերի 31-ին ավարտվող տարվա շահույթի կամ վնասի և այլ համապարփակ ֆինանսական արդյունքների մասին հաշվետվությունը, որոնք ներկայացված են ստորև:

Ֆինանսական վիճակի մասին հաշվետվություն

	2020թ. դեկտեմբերի 31-ի դրությամբ	2019թ. դեկտեմբերի 31-ի դրությամբ
	Մլն. դրամ	Մլն. դրամ
Ոչ ընթացիկ ակտիվներ		
Հիմնական միջոցներ, հաշվեկշռային արժեք*	858	630
	858	630
Ընթացիկ ակտիվներ		
Պաշարներ	98	105
Դեբիտորական պարտքեր և կանխավճարներ	102	86
Այլ դեբիտորական պարտքեր՝ ստացվելիք դիվիդենդների գծով	57	50
Կանխիկ և բանկային մնացորդներ	42	18
	299	259
Ընդամենը ակտիվներ	1,157	889
Սեփական կապիտալ և պարտավորություններ		
Կանոնադրական կապիտալ	200	120
Էմիսիոն եկամուտ**	106	80
Վերագնահատման պահուստ	212	12
Զբաղիված շահույթ	283	226
	801	438
Ոչ ընթացիկ պարտավորություններ		
Վարկեր	200	300
Ընթացիկ պարտավորություններ		
Կրեդիտորական պարտքեր և ստացված կանխավճարներ	77	79
Տոկոսների գծով պարտավորություններ	3	5
Շահութահարկի գծով պարտավորություն	76	67
	156	151
Ընդամենը սեփական կապիտալ և պարտավորություններ	1,157	889

* Կուտակված մաշվածությունը կազմում է 190 մլն դրամ 2020թ. դեկտեմբերի 31-ի դրությամբ և 120 մլն դրամ 2019թ. դեկտեմբերի 31-ի դրությամբ:

** Հանդիսանում է բաժնետոմսերի շուկայական ու անվանական արժեքների տարբերությունը:

Շահույթի կամ վնասի և այլ համապարփակ ֆինանսական արդյունքների մասին հաշվետվություն

	2020թ. դեկտեմբերի 31-ին
	ավարտված տարի
	Մլն. դրամ
Վաճառքից հասույթ	1,100
Վաճառքի ինքնարժեք	(678)
Համախառն շահույթ	422
Գործառնական ծախսեր	(309)
Գործունեությունից շահույթ	113
Ներդրումներից եկամուտ՝	
Տոկոսներից	15
Դիվիդենդներից	57
Ֆինանսական ծախսեր	(20)
Արտարժույթի փոխարժեքային տարբերությունից վնաս	(2)
Շահույթ՝ մինչև հարկերը	163
Շահութահարկի գծով ծախս	(71)
Չուտ շահույթ	92

Համաձայն հաշվապահական հաշվառման գրանցումների՝

- Կանոնադրական կապիտալի աճը տեղի է ունեցել հիմնականում դրամական միջոցների ներդրման հաշվին՝ 70մլն դրամ, մնացածը՝ ներդրված հիմնական միջոցների հաշվին:
- Արտարժույթի փոխարժեքային տարբերությունից վնասը վերաբերում է դրամական միջոցների մնացորդին:
- Գործառնական ծախսերում ներառված է հիմնական միջոցների օտարումից վնասը՝ 5 մլն դրամ, ընդ որում օտարման դիմաց վճարումն ամբողջությամբ ստացվել է գևորդից:
- Օտարված հիմնական միջոցի սկզբնական արժեքը կազմում էր 80մլն դրամ, իսկ օտարման ամսաթվի դրությամբ կուտակված մաշվածությունը՝ 15 մլն դրամ:
- Դեբիտորական պարտքերում առկա չեն տոկոսների գծով ստացվելիք գումարներ:
- Տարվա ընթացքում հայտարարվել և ամբողջությամբ վճարվել է դիվիդենտ:

Պահանջվում է՝

1. Պատրաստել դրամական հոսքերի մասին հաշվետվությունը: Գործառնական գործունեությունից դրամական հոսքերը ներկայացնել անուղղակի մեթոդով: Ներկայացնել նաև հիմնական միջոցներին կից ծանոթագրությունը (հաշվեկշռային արժեքի համադրումը) **(20 միավոր)**
2. Պատրաստել սեփական կապիտալում փոփոխությունների մասին հաշվետվությունը 2020թ. դեկտեմբերի 31-ին ավարտվող տարվա համար: **(5 միավոր)**

Յարց 3

«Մարինադ» ՓԲԸ-ն (Կազմակերպություն) զբաղվում է մարինացված մրգերի ու բանջարեղենների արտադրությամբ: Համաձայն Կազմակերպության ղեկավարության գնահատման՝ Կազմակերպությունը պետք է ավելացնի մարինացված դդմի արտադրությունը՝ դրա պահանջարկի աճով պայմանավորված: 2020թ. հունվարի 1-ին Կազմակերպությունը ձեռք է բերում «Դդմիկ» ՓԲԸ-ի զուտ ակտիվների 75 տոկոսը: Դուք հանդիսանում եք Կազմակերպության հաշվապահը և առաջին անգամ պետք է համախմբեք այս երկու ընկերությունների առանձին ֆինանսական հաշվետվությունները:

Ստորև երկու ընկերությունների առանձին ֆինանսական հաշվետվություններն են՝ 2020թ. դեկտեմբերի 31-ի դրությամբ և ամսաթվին ավարտված տարվա համար:

	«Մարինադ» ՓԲԸ	«Դդմիկ» ՓԲԸ
	2020թ. դեկտեմբերի 31-ի դրությամբ	2020թ. դեկտեմբերի 31-ի դրությամբ
	Մլն. դրամ	Մլն. դրամ
Ոչ ընթացիկ ակտիվներ		
Հիմնական միջոցներ	81,744	11,875
Ներդրում "Դդմիկ" ՓԲԸ-ում	63,285	-
	145,029	11,875
Ընթացիկ ակտիվներ		
Պաշարներ	29,801	31,008
Դեբիտորական պարտքեր	32,875	20,783
Կանխիկ և բանկային մնացորդներ	39,636	28,540
	102,312	80,331
Ընդամենը ակտիվներ	247,341	92,206
Սեփական կապիտալ և պարտավորություններ		
Բաժնետիրական կապիտալ	65,000	20,000
Էմիսիոն եկամուտ*	34,400	11,500
Զբաղիված շահույթ	77,145	21,856
	176,545	53,356
Ոչ ընթացիկ պարտավորություններ		
Վարկեր	18,736	-
Ընթացիկ պարտավորություններ		
Կրեդիտորական պարտքեր	37,275	27,785
Շահութահարկի գծով պարտավորություն	14,785	11,065
	52,060	38,850
Ընդամենը սեփական կապիտալ և պարտավորություններ	247,341	92,206

* Առաջացել է բաժնետոմսերի իրական ու անվանական արժեքների տարբերության արդյունքում:

Առկա է նաև հետևյալ տեղեկատվությունը:

- «Մարինադ» ՓԲԸ-ի ներդրման գումարը՝ «Դմիկ» ՓԲԸ-ում, համարժեք է փոխհատուցման իրական արժեքին:
- «Մարինադ» ՓԲԸ-ն ձեռք է բերել «Դմիկ» ՓԲԸ-ի զուտ ակտիվների 75 տոկոսը՝ 01.01.20թ.-ին, և այդ ամսաթվի դրությամբ «Դմիկ» ՓԲԸ-ի չբաշխված շահույթը կազմել է 14,618 մլն դրամ, իսկ չվերահսկվող բաժնեմասի (25 տոկոս) իրական արժեքը կազմում է 10,799 մլն դրամ:
- 31.12.20թ. դրությամբ՝ համաձայն այս երկու ընկերությունների միջև կնքված փոխադարձ պարտավորությունների մասին ակտի՝ «Դմիկ» ՓԲԸ-ի պարտավորությունը "Մարինադ" ՓԲԸ-ի հանդեպ կազմում է 7,614 մլն դրամ:

Պահանջվում է պատրաստել 31.12.20թ. դրությամբ իմբի համախմբված ֆինանսական վիճակի մասին հաշվետվությունը, ներառյալ համապատասխան ծանոթագրությունները (հաշվարկները):
(25 միավոր)

Յարց 4

«Առողջ տեսք» ՍՊԸ (Կազմակերպություն) զբաղվում է օճառների (2 տեսակի օճառ՝ հոտավետ և առանց հոտի) ու շամպունների (2 տեսակի շամպուն՝ լողանալու և մազերի) արտադրությամբ: Կազմակերպությունն իր ապարանքները վաճառում է հատուկ դիլերների միջոցով, որոնք սպասարկում են ամբողջ հանրապետությունը: Կազմակերպության ֆինանսական տարին ավարտվում է դեկտեմբերի 31-ին: 2020թ. դեկտեմբերի 31-ին ավարտվող տարվա ֆինանսական հաշվետվությունները պատրաստելիս Դուք տեղեկանում եք հետևյալի մասին.

- Դիլերներից մեկը տեղեկացրել է Կազմակերպությանը, որ օճառի օգտագործումը որոշ հաճախորդների մոտ առաջացրել է ավերգիկ ռեակցիա և համաձայն որոշ տեղեկատվության՝ շատ են հաճախորդները, ովքեր պատրաստվում են դիմել դատական մարմիններին՝ փոխհատուցում ստանալու ակնկալիքով: Համաձայն Կազմակերպության մասնագետների վերլուծության՝ դա կարող է կապված լինել 2020թ. դեկտեմբերից 15-ից մինչև 2020թ. դեկտեմբերի 21-ն արտադրված օճառների հետ, քանի որ մի որոշ ժամանակ, Կազմակերպության հիմնական մատակարարը չէր կարողացել մատակարարել արտադրության անհրաժեշտ հումքը, հետևաբար Կազմակերպությունը ստիպված էր գնումներ կատարել անձանոթ մատակարարներից: Համաձայն Կազմակերպության իրավաբանի՝ բոլոր հաճախորդների դիմելու պարագայում դատական հայցն ամենայն հավանականությամբ (մոտ 95 տոկոս հավանականությամբ) կբավարարվի ի հօգուտ հաճախորդների և փոխհատուցման գումարը կկազմի 14 մլն դրամ:
- 2021թ. հունվար ամսվա վաճառքները ցույց են տալիս, որ բավականին նվազել են վաճառքների ցուցանիշները: Դրանք մասամբ սեզոնային բնույթ են կրում, սակայն համաձայն Ձեր դիտարկումների՝ դրանք էականորեն կարող են նաև կախված լինել վերը նկարագրված խնդրի հետ: Ձեր խնդրանքով՝ պաշարների հաշվառմամբ զբաղվող հաշվապահը Ձեզ է ներկայացնում արտադրանք միավորի արժեքն ու դրանց վաճառքի գինը, ինչը նկարագրված է ստորև բերված աղյուսակում՝

<i>Արտադրանք</i>	<i>2020թ. դեկտեմբերի 31-ի դրությամբ ինքնարժեք՝ դրամ</i>	<i>2021թ. հունվարին վաճառքի միջին գին՝ դրամ</i>
Օճառ՝ հոտավետ	140	115
Օճառ՝ առանց հոտ	160	137
Շամպուն՝ լողանալու	265	310
Շամպուն՝ մազերի	340	330

2020թ. դեկտեմբերի 31-ի դրությամբ՝ պատրաստի արտադրանքի վերաբերյալ առկա է հետևյալ տեղեկատվությունը՝

Արտադրանք	2020թ. դեկտեմբերի 31-ի դրությամբ	
	Քանակ՝ հատ	Մնացորդ՝ հազար դրամ
Օճառ՝ հոտավետ	78,340	10,968
Օճառ՝ առանց հոտ	14,380	2,301
Շամպուն՝ լողանալու	21,785	5,773
Շամպուն՝ մազերի	10,600	3,604
		22,646

Պահանջվում է՝

1. Նկարագրել «Պահուստներ, պայմանական պարտավորություններ և պայմանական ակտիվներ» ՀՀՄՍ 37-ի պահանջները՝ կապված պահուստների սահմանման, ճանաչման և չափման հետ: **(5 միավոր)**
2. Նկարագրել քայլերը, որոնք կձեռնարկեք՝ կապված հնարավոր դատական հայցերի հետ: **(5 միավոր)**
3. Նկարագրել «Պաշարներ» ՀՀՄՍ 2-ի պահանջները՝ կապված պաշարների արժեքի վազման հետ: **(5 միավոր)**
4. Նկարագրել պաշարների նկատմամբ ճշգրտումները, որոնք պետք է կատարվեն Կազմակերպության ֆինանսական հաշվետվություններում՝ կապված պատրաստի արտադրանքի վաճառքների գների նվազեցման հետ: **(10 միավոր)**